



90619

又其次齋詩集卷四

己丑

由石門至吳江

自買武林船灘聲久已靜曉來不見山知入禦兒
境碧水自潞洞川原清且迴流從港汊分路向亂
橋永竹樹洲上密桑畦道旁整水市魚蝦腥茗叢
翡翠靚櫓聞月下聲帆認烟中影我行多滯留依
依逐魚艇波平眠安穩天冷酒醕酌皂林跡乍覽
笠澤懷方騁春光雖未深秀色稍已領行役悵有
期惜此西吳景

又其次齋詩集卷四

嘉禾舟中作歌贈同年朱子駿瑞崧子彥瑞

植昆仲與家核華鄂棠同年

正月七日韶光新千村爆竹迎芳春同人約我長
安去畫橈伊軋吳江濱道出武林山漸少清流百
轉桑田繞可憐春早到江南蠟梅枝上聞嘯鳥舟
中載酒十數甕痛飲猶堪半月供已拚一醉消春
愁更與千樽破客夢長公最豪可一石方朔詼諧



遂昌吳世涵淵若



醉愈劇次公雅量殊温温十觴以後多微言酒星
不照移華翁一杯入口顏已紅唾予病後久戒飲
亦復強進琉璃鍾驚風颯颯捲簾幕大江午夜寒
濤作醉眼爭看雪浪飛酣歌未覺春裘薄鼓枻欣
同李郭舟興來笑傲凌滄洲便應仗劍驅蛟鱷肯
復隨波逐鷺鷗諸君快飲且勿休眼中之人非悠
悠一帆借得天風滿共爾乘槎天上遊

松陵有懷皮陸二高人

松陵一片月光映水淪漣高詠懷皮陸移家泛釣

孟次齋詩集卷四

二

船散人今不作水月尚依然寂寞江湖上空傳唱
和篇

松陵曉發

勞人起常早往往先鷗鷺舟中曉逾寒兀坐一江
霧咫尺不見人但聽鷓聲渡日高氣象開始辨岸
旁樹青青太湖峯百里共奔注計程條已遙長橋
過覓渡地舟行向空濶適與好風遇我欲揚輕帆
遂入雲陽路吳會有浮雲飄搖安得駐

虎邱闔廬墓下作

艤舟陟虎阜言訪闔廬墳徘徊劍湖上懷古心鬱
紛秦伯讓天下采藥荒江濱勾吳始開國端委照
千春厥後延陵子讓國同其仁諸樊昆弟問大義
炳天倫奈何一傳後篡奪遂紛綸光也養死上七
首加王身霸業雖烜赫先德亦已淪夫差重撥之
姑蘇委荒榛祖父有賢聖不化子與孫爭讓事既
異興廢應若神讓則廟社建爭則廟社湮往事有
若此太息難重論

陳七五人墓

其次齋詩集卷四

刺主鱗諸一亂民要離忍復滅天倫姑蘇大俠知
多少義烈唯應數五人

春申澗上作

珠履三千化作塵江東宮室草成茵澗邊遺恨流
難盡上謁李園亦舍人

環琴奏罷儘悲涼流水聲中怨未忘一種無親陽
翟賈猶稱仲父相秦皇

遊惠山同朱子駿子彥家核華

舟行入梁溪意外得奇境空翠落晴波滅沒九龍

頂同遊獲勝侶幽懷藉一逞艤棹進山門巖壑延
清景僧寮綠蒼厓藤蘿引路永古壇落花深寒沼
游鱗靜言探第二泉側足闕仙井雖乏小團月薦
客亦佳茗乘興踏龍脊梯空石道整落日望太湖
金波浴萬頃野鶴時獨飛雲天一何迴長嘯下林
樾苔滑不能騁幽栖信可懷微尚夙所秉迹緬朱
竇遺遊憶秦蘇並綿邈高風垂蕭疎塵慮屏斯人
久不作悵望空雲嶺

奔牛堰作

其次齋詩集卷四

四

聞昔三茅觀金牛到此間仙人開洞府遺跡在塵
寰欲往尋丹藥巖高不可攀蘭陵多美酒酣飲且
開顏

上元日舟至丹徒

曲阿處處管絃喧客裏光陰到上元暖入江城春
雪霽烟開燈市夜星繁南徐城郭臨天塹北固風
濤近海門醉過丹徒宮下路寄奴往事不須論

揚子江晚望

鐵甕城頭古樹林停橈有客快登臨江流天地分

南北山蹠波濤洗古今六代茫茫人物盡五洲森
森水雲深晚來風起江豚舞又送寒潮過碧潭

京口曉渡

扁舟侵曉渡江潭鼉窟驚回鄉夢酣忽聽一聲瓜
步笛却從江北望江南

揚州懷古

關前繫纜酒微醺弔古維揚日未曛淮水尚流吳
淞國隋堤難護阿廢墳蕪城草色先春雨廢苑簫
聲入暮雲二十四橋人擾擾風流誰是杜司勳

其次齋詩集卷四

五

露筋祠

斷臂完貞後千秋有露筋芳徽凌皓月遺廟枕寒
雲風暗靈旗出波生玉佩聞定應駕鸞鶴早晚伴
湘君

秦郵

孟湖烟水拍天浮誰弄神珠汗漫遊甓社風流零
落盡卧聽漁唱過秦郵

淮揚道中有感作

淮揚積水區自古稱澤國巨浸環城鄉水多地苦

窄其中負簞者所居尤難厄結蘆在沙洲離水不
盈尺牀前萬頃湖粘天四無壁卑濕何暇慮性命
且不惜湖中春漲生旦夕見沈溺吾鄉萬山中居
人剪荆棘邇來多寄民崖巔樹籬柵處險殊可憫
恐爲虎羆得茲行過江淮見此益惻惻

聖世久昇平歷年已二百生齒漸以繁生計日以
迫物產罄山海費盡造化力天道與地寶徧給苦
未獲所以施濟恩堯舜病在昔中澤有哀鴻行人
長嘆息

淮陰侯釣臺

漢廷猛士去千秋嗚咽臺邊水自流亂世危機非
釣弋英雄美餌是王侯璜溪漁父曾傳國滄海鴟
夷早泛舟獨有淮陰城下客藏弓烹狗不勝愁

王營作

莽莽平沙路何年萬馬屯河山開曠野天地入中
原驛大人聲雜塵多日色昏明朝瞻馬首北向逐
輪轅

荀卿墓

蘭陵故令剩荒阡爲弔遺蹤一慨然戰國生人無
善性春申好客有名賢經傳翻引秦坑火世亂誰
操孔室絃猶賴龍門書馬鬣不隨三戶付雲烟

柳下惠墓

工拙龍蛇且莫論當年和聖亦蓬門三公不易生
平介一壟猶傳死士尊竊位有臣賢自廢事人無
術道空存我來弔古悲遺佚落日蕭條望九原

驅車三首

驅車淮徐道北首向幽燕鞍馬夙未習初上心煩

其次齋詩集卷四

七

病顛撲兩輪內肱折眼爲昏月黑夜渡澗風猛晨
陟原郵長不遑息盡日得一餐草具食不飽土坑
寢難安風塵自茲始遠哉行役艱

行役雖已艱騁日足遐賞雲日開中原天宇何泱
泱城郭入遙空逶迤連繡壤美哉先聖區土厚川
原廣自從溝洫湮磽瘠異疇曩早潦歲爲災水利
何由仰遂令中原民手載失豐穰茲事非偶然望
古徒愴悵

愴悵望古心中途屢停策緬彼周秦賢道旁多陳

迹斷碣留姓名約畧猶可識諸賢豈不偉遺烈在
篇籍百年歸山阿身名兩岑寂牛羊上邛壘荆棘
叢故宅居民無復念淒涼惻行客賢豪有如此千
載爲歎惜

項王墓

重瞳遺冢穀城灣松柏蒼涼土蘚斑厄運獨當秦
漢際雄姿自在霸王間八年號令全歸楚百戰山
河惜背關今日炎劉久銷鑠不須悲憤向塵寰

謁孟廟

其次齋詩集卷四

八

粹德希尼父聞知邁衆賢百家言並黜羣聖道能
傳精詣求心得純修養氣全勲名卑管晏學業徹
人天鄒嶧廣居日齊梁應聘年達尊風嶽嶽各世
意拳拳洒恥先期惠行仁更望宣立談區義利乘
勢達經權負戴思庠序耕蠶說井田屢陳王道大
肯效霸圖偏處土方橫議蒼生竟倒懸遇難千里
合祿可萬鐘捐身退悲三宿文高綴七篇伊周心
待白湯武跡能瀕禽獸排楊墨龍蛇放行駢觀人
到簞豆辨性極栢棧知覺宏開後典型勤守先論

功非禹下列傳在荀前故里巖巒峻崇祠栝柏圓
機堂縈瑞草雷井湧甘泉袞冕威儀肅犧牲祀事
虔泰山瞻氣象泗水溯淪漣堂廡儼同魯門牆晚
廁錢闕宮趨拜罷仰止意皇然

山東道上口占呈移華

南北關河記客蹤茲遊未覺壯心慵揚帆夜破長
江浪策馬晨登泰岱峯道上塵沙容撲面眼中邛
壑幾填胸西山神秀桑乾碧更擬京華共握筇

翼邛行

奎齋詩集卷四

九

翼邛道上沙塵昏翼邛城下箏琶喧行人垢面入
郵舍姪女靚妝盈市門舍中土室僅容坐却被箏
琶塞欲破日暮行雲處處飛粘人春絮真無奈座
中有客笑口開車輪十日翻黃埃有歌不聽酒不
飲風塵擾擾胡爲哉君不見蹈海魯連特高妙聊
城一書驚海徼至今爲覓射書處魯連臺下空斜
照君不見博平東南古戰場魯公破賊功在唐魯
公一去不可作寒烟衰草何茫茫勸君且聽歌勸
君更飲酒勲業未可知富貴亦何有丈夫意氣空

九州昂藏七尺誰與儔左手舉杯酌張鎬右手執
盞澆馬周布衣立談可卿相安知酒客非公侯昔
聞淳于髡此地作贅壻有酒能飲口能言一斗亦
醉石亦醉銀燭高燒歌聲沸合樽促坐百無忌後
有遺簪前墜珥恨不九原呼起髡也共哺醲膏騰
一醉忘天地歌亦不可歇酒亦不可辭須臾馬嘶
鞭響發雙輪歷碌旋向塵中馳

至都寓斜街寄園作

城南社裏卸行車旅館眞成客子家下馬新嘗燕

其次齋詩集卷四

十

市酒當門先看

帝京花

門前卽
花社

曉風牆外駝鈴戛夜月堦前雁陣

斜賴是春明逢九九慰人離思有韶華

送姚平泉孝廉

光晉
南歸

離筵草草酌流霞別路相看鬢易華落日騎驢辭
帝里遠天隨雁宿平沙紅蓮影裏人移棹黃葉聲
中客到家他日吳門相憶否故人留滯在天涯

都門秋夜

涼月依虛牖寒風透袷衣坐看林外雁一一向南

飛

寄園夜坐

一庭花影漾微風
月照禪堂四壁空
不是遙街喧萬柝
幾忘身在帝城中

庚寅

葉枚生大令

攀鱗畫蘭

麗陽仙子宅
瑤草滿崇岡
分得一枝去
春風萬里香
靈根無附著
妙筆有輝光
珍重同心者
移之白

蘇齋詩集卷四

玉堂

題王南陔中丞空山古寺圖卽用朱文正公

蘇嶺題壁原韻

蘇嶺在江山縣文正使闕過此題壁後南陔中丞見

之寫圖徵詩中丞文正門下士也

嶺高寒篠密
寺僻野苔青
自蠟名公屐
如陶太古
甌宦遊開勝地
椽筆耀台星
珍重山門鎮
無煩白

馬經

學富詞瀾紫
勳高汗簡青
偶然泥印雪
猶似水翻

甌雲石賡
堦譜參辰
感使星

題壁有憶兄弟句

江山幽絕

處絳節幾回經

人去山僧老雲來暮樹青
法宮誰護笈鄙社但聞
僊冊載光流電三章字
墮星扶輪非巨手疇訪壁
中經

弟子韓門盛南來綬更青
拂塵紗罩壁賡韻雪開
僊淚洒龍宮雨燈傳鶴髮
星殷勤攜遠道愛並杖
頭經

墨妙邕飛白圖工廣點青
元音諧夏護謂中丞和詩凡
響愧矍僊彼嶺休封徑
斯文喜聚星敝廬相去近

他日擬重經

其次齋詩集卷四

三

京寓與魏海珊

文瀾

葉枚生夜話

共逐浮雲出枯蒼
家山回首路茫茫
那堪風雪都
門夜坐對寒燈
話故鄉

清明日遙憶六首

春風萬里到柴門
柳下長堤花外村
遙憶嚴親當
此日橫岡上冢挈兒孫

先祖墓在橫岡

貧家聚族在山阿
掃墓歸來樂事多
遙憶弟兄當
此日連朝花下醉顏酡

武林住後住京華歲歲清明不在家遙憶山妻當
此日登樓望遠懶簪花

黃花芳草路旁春百五韶光到眼新遙憶故交當
此日踏青應念未歸人

青蓮稚子不勝情撫背齊扇百感生遙憶兩兒當
此日花前嬉戲弟和兄

綵花剪罷學裁衣簾外春深燕子飛遙憶女兒當
此日癡心祇祝阿爺歸

春夜翫月玉河橋作

夔次齋詩集卷四

十三

街塵入夜淨春露零深宵車聲亦已歇明月懸層
霄翫月重城內因上玉河橋玉河涵

聖澤冰泮流滔滔堤柳早露渥三月垂新條月華
碧波漾柳影輕颺搖萬戶靜鳴柝九天遠聞簫清
景旣已豁塵慮頓以消始知魏闕下濠濮故非遙

送魏海珊大令之官江蘇

長安盛冠蓋所稀乃同調同調在同鄉益覺晨星
少一朝忽相遇歡若漆投膠誰忍更分離日令愁
腸繞吾枯海珊子砥行夙慥慥秘機啟元鑰冥心

燭道要守令薦經術鄉國舉廉孝一起破天荒突
兀驚耆耄剖符近出宰吳會鼓蘭櫂嗤子砮砮質
與君訂夙好憶昔初識君蓮城同赴校盧駱聯姓
名僑札結紵縞厥後久契濶東西各奔趨辛巳君
獲雋賤子傷罷甌相見武林城勸慰聆忠告戊秋
子幸捷遠惠尺書到溫語誨何諄三復心傾倒昨
歲來都門開徑得所樂風雨日過從花月恣歡笑
舊契郁蘭苴新姻締蘿蒿聚首猶昨日行期倏已
報長念故人別益令游子悞樽酒君勿却寸心鑒

查次齋詩集卷四

古

蘋苳後會知何時悠悠詎能料願君崇令德前賢
塵則倣江南誠佳麗民生困未療君其務寬仁庶
以蘇倪旄縣令秩雖卑厥職主風教撫字豈不難
廉謹終著效君才自卓犖粹然等珪瑋努力策鴻
猷取次建旌纛鬱爲枌榆光佳話逮遊釣嗟予方
淹留碌碌被訕誚南旋未有期鄉雲空瞻眺慷慨
送君行高歌當頌禱長途幸珍重炎日方蒸爆到
後若遺鯉北來有河鯈

哭蘇小由

元澄

同年

醉夢人間廿一年，臭囊脫却返重泉。慈親已老妻
纔聘，何忍逍遙自在天。君以計偕歿於京，年二十
一，臨終詩云：二十一年事
如夢復如醉，脫却臭
皮囊，還我大自在。

謝潘小崑丈

畫蘭開香蕊，怪怪齋前

崑翁袖有張顛筆，草法作畫尤第一。醉餘爲我寫
蘭石，拂拂清香壁。土出芳草蒙葺水，一方眼前景
物似瀟湘。知君鼓柁南遊日，君新從湖
北幕府來秋雨秋風
幾斷腸。

歸安廣文端木鶴田丈

國瑚被召至京喜

贈

其次齋詩集卷四

五

十年茗上一詩仙，懶向長安更著鞭。豈意
釣天飛

紫詔不令閑地擁，青氊羲皇有道儒。官重博士多
材

聖澤偏從此，元亭頻載酒。問奇容我到齋前。

張淵甫學博 生洲 靜觀齋四圖

江城游騎濺春泥，五花蹴踏聲喧蹠。一客掩關獨
高卧，門前履跡封蒿藜。抱經常在雲深處，焚香日

與古人語雨檻風牀晝寂寥時有寒濤起孤樹却掃

讀書

幽人生平百不急祇憶同心時汲汲涼夜遙期之子來脫手金徽松下立絲桐作意張高秋欲彈未彈心悠悠碧雲滿地鶴飛去山影蒼茫澗水流琴停

遲友

三尺短篔簹兩轂觶平疇十里薜蘿綠花外春風篔簹輕掉頭獨向荒郊牧牧人牧牛非殊圖看君不合手犁鋤著鞭願且捨黃犢爲覓蒼生一束芻春郊

其次壽集卷四

七

放牧

仁人懷抱如和春眼中物物皆天真生平種樹若種德萬株手植忘艱辛此事由來看萌蘖寸莖中有凌霄節落落空山松桂枝百年努力保霜雪山居

種樹

贈金荔波農部同年 安瀾

獨有金夫子襟期似古人文章碑版貴意氣酒杯真潦倒才難展飛騰筆有神寸心人不識辛苦爲慈親

檢行篋得程子質先生文滄病後所遺手札

賦此誌感

早向仙都謁大程

先生海寧人官
縉雲縣教諭

愛才深見古人

情十年風誼兼師友一紙音書判死生身後無兒

悲伯道病餘有筆敵虞卿嗟余未獲酬知已啟篋

潛然涕淚盈

辛卯

雜詩二十四首

六學崇古儒正誼不謀利絃歌在蓬戶囂然若遺

奎次表歸集卷四

七

世聖哲一以遠經術滋流弊漢儒最稱盛訓詁振

廢隆巍巍甲乙科異等掇高第千人事一師萬言

詮一義嗟哉祿利途乃在石渠議公孫揚其波禹

光踵相繼華廡但可登從俗安所避彭祖爾何人

經經守素志人事終不勝徒然高經誼

聖人有天德至詣乃在剛醇修一內外敬直而義

方濟之以和順行健非毗陽如何老氏徒用柔以

爲強保身誠美矣植品恐非良末流竊其似脂韋

遂相望彼哉固默默誰爲吾道防

國風久不作騷賦出靈均寄辭寫忠愛孽涕思美人
宋玉漸靡曼綺語賦朝雲逶迤逮魏晉淫思日以
新梁陳樊已極狎客皆詞臣宮體旣以盛六義
委荆榛後此香奩咏鄙褻靡不陳摛詞固有則選
言在雅馴諷諭苟無取導淫徒紛紛先民有矩矱
大雅誰扶輪

取人以貌言尼父猶有失如何操鑑者沾沾持斯
術絳侯固哂嗇夫乃亡實子房不魁梧江充有
奇質斯人苟並列誰進當誰黜卓哉張廷尉舉錯
論密勿巧令固鮮仁懼君未識察

奎次齋詩集卷四

六

善惡雖以類氣數亦難齊天性旣已判骨肉不相
移子孟篤忠貞不化子與妻張湯一酷吏安世乃
其兒溫兄有全昱冀弟有不疑敬宗孫乃遠侂胄
祖則琦殃慶旣莫必習染復奚施族類多如此千
載爲歔歔

古人處江湖未嘗忘君國或乃秉國鈞意轉在山
澤心跡似相乖于道乃各得處困節不隳履豐志
不惑茅屋杜少陵東山謝安石千秋此兩賢雅量

誰能測

晉人尙任達厥風竹林始任達特美名其實乃放
侈伶籍雖有托防閑固已毀畢盜乃卧甕謝淫竟
折齒紛紛澄輔輩穢行喪廉耻何物老嫗兒捉麈
尙自喜滔滔江河下胥溺遂不止誠哉右軍論虛
談恐廢事偉哉樂令言名教有樂地

古人重爲學學以規所養今人亦爲學學求聞見
廣古人學益謙今人學益蕩聞見日以多志氣日
以獷視人若奴隸揭已乃無上坐是正平輩徃徃

奎次齋詩集卷四

九

懼文網有才道未聞殺軀豈云枉聖哲去已遠視
躬吾安仰

立言固不易保身良獨難韓非善爲說以說懼奇
冤京房洞神奧禍機觸羣姦馬遷失明哲博物徒
自殘班固旣譏之已亦嬰其患才高物則忌尙口
多仇怨今古儼一轍四子良可歎所以苦縣老守
黑寡所言

爲治喜變法在昔有相同秦鞅漢則錯趙宋王荆
公鞅罪在滅古于秦頗有功鼂錯雖隋刻其謀固

亦忠荆公最謬戾私智以自封殃民而誤國百咎
萃其躬鞅錯並極死荆公乃令終天道固不測斯
理誰能窮

秦法立蕤木牛馬使羣生強人以從法法重人乃
輕衛士制於法束手觀荆卿郡縣制於法勝廣遂
以橫政網日以密上下徇空名宇內幸無事木偶
可簪纓宇內苟有事一策莫敢行坐舍鞅自斃衡
石秦終傾人存政斯舉文法安足憑

漢代重名節士行咸修持好名或已甚矯僞時有
之郭巨惜分甘忍於埋其兒伯道因攜姪已子繫
樹枝茅容矜孝養對客乃宰鷄李充以私語稱觴
去其妻人情不相遠情協理自宜拂情以沽名名
得實則虧諸君誠卓卓捫心得毋欺聖哲有庸德
何必矯異爲

漢儒堅於信宋儒輕於疑漢儒習訓詁不敢背其
師一字有錯悞斤斤守不移宋儒高自許諸經皆
疑之風雅可改易甚或刪其辭幸哉宋諸儒生在
漢儒後若當秦火餘斷篇拾殘朽人人盡起疑六

經將無有多聞疑必闕先聖有訓言周孔不再出
孰若守遺編

在昔馬伏波騰聲起三輔擇主歸洛陽慷慨智且
武封侯業已成勲名標銅柱臨老復請纓據鞍自
矜詡一蹶遂不振隕身喪徒旅藁葬亦云哀薏苡
橫遭侮悲哉矍鑠翁義烈邁今古功名進不已禍
發且莫禦晚節保良難末路隳幾許每覽新息傳
怛焉心淒楚

先聖制久湮法令滋流弊世無封建官獨有封建

查次齋詩集卷四

五

吏官長如過客去來無定地吏職如家業傳及子
孫世坐是吏益奸舞文習故智官長日怒怒無從
究情僞爲政貴補偏救弊有微權欲令官稱職久
任著威德一職可終身吏易官不易欲使吏無欺
科條刪繁辭有如三章約吏知官亦知

秦越不同俗山海不同氓罪人遺遠戍懷土猶傷
情胡乃仕宦者輒令萬里行風土旣非習寢食殊
所營一身且難理庶政安得平吾聞古侯國故里
可公卿取材不異地政化皆仰成古制雖難復庶

幾近其程恩怨無所繫毗俗亦易明奚必令遠宦
勞勞徒長征

魯相公儀休史傳稱循吏拔葵與燔機所傳兩細
事讀之始頗疑久乃喻其意公卿擅勢權所患爭
民利爭竇一以開諸害靡不至上好下必甚俗壞
安得治天地生萬物齒角各有制誠哉公儀賢廉
節稱其位後世多才臣疇能識此義

信陵魏公子才畧實冠世惜哉奪鄙軍悞用侯生
計救趙雖云急君臣有大義力爭苟不從去位足

奎次齋詩集卷四

三

明志奈何盜兵符矯命以求濟謀人非不忠失已
徒取戾卒之君見疑自容至無地士生亂世中徃
徃昧正誼侯生何足惜公子實仁智好士不得賢
識者爲歎歎

古者建百官公卿卽連帥下至黨閭長一一皆軍
吏人材多英俊文事兼武備漢廷重辟舉亦頗得
此意卿相出治軍類能集厥事後世科目設途乃
判然異書生不知兵埋頭習文藝粹然文武資百
中無一二得非途太分人才日以萎險易固有時

得人乃克濟積重非一朝奚術祛斯弊
淮南有異志獨憚汲長孺謂彼公孫宏蒙落非所
慮北宋相司馬開釁敵乃懼可知王呂輩邪佞無
足數山中有猛虎樵采人不度淵中有神龍魚蝦
人不捕山淵高且深吐納實蕃庶狐兔與凡鱗焉
足資擁護寄言蓄材者百年慎所樹且臨蘇史言
士生三代後才質多所偏用之在節取責備焉能
全漢道雜王霸高論常舍旃有才卽見錄牧隸皆
能賢宋人拘繩尺徃徃多苛論事功罕所見豪傑
每棄捐全才固難得舉錯有微權容物道在廣收
效途宜寬責人必賢聖固哉難與言

孟其齊詩集卷四

五

史氏重南董直筆無所私馬遷身遭禍遂多憤激
辭陳壽米千斛以史賀高貲魏收貪且鄙穢史售
奸欺後此諛墓盛紀傳益可疑操莽或伊呂跼蹐
亦夷齊門戶分毀譽愛憎成是非斯民有直道學
士反奸之持此示來者懲勸將安施嘗讀近代史
掩卷爲涕洟

上天宰萬物其道遠且元氣數有錯迂羣疑遂以

繁忠良邁奇阨呵壁來屈原暴跣獲富壽報施訖
史遷韓柳辯愈肆功殘而讎蕃癰痔等元氣果歛
量乾坤其詞雖駁雜其論非無根世變江河下翻
覆千萬端揆之諸人說斯理將毋然太息望眞宰
眞宰終無言

佛者說無生老者說長生生死有常理二說均非
情生軀儼然在安得以無稱金石有時泐誰能保
于齡至人貴順命盡性而踐形生必盡其道死亦
安其恒佛者唯畏死生理反以輕老者唯貪生每
每誤丹經死固無可畏生亦難強營百年修厥德
歿世垂令名

真次齋詩集卷四

五

城南酒樓同潘仲方

蓉鏡

汪嘯盒

元方

車塵擾擾市城間晨上酒樓暮未還醉後高眠莫
相笑長安能得幾人閒

教忠坊謁文信國祠

柴市荒涼草不春衣冠黥淡半埃塵於今廟食非
元土在昔樓居有宋臣萬死難忘恢復計六歌淒
斷纍囚身城南文節相逢否

謝文節坊得餓死於城南憫忠寺

合

伴忠魂祇此人

時敏齋夏日 時館何氏

市近心常遠蕭齋興自賒短竿延豆蔓新水放瓶
花鳥下人初散蟬吟日漸斜課餘無一事涼意滿
窗紗

過慈仁寺

祇是人間世僧家自覺閒繙經過白日開戶望青山
松已前朝化門仍永晝關幽尋如不厭長此散襟顏

過黃金臺故址

彙次齋詩集卷四

五

燕主金臺禮俊英樂生東下霸圖成卽今人冀金
臺遇借問誰人是樂生

白露日作

節過三伏尙炎威今日纔看暑氣微風裏嘶聲蟬
漸變雲邊涼影雁將飛人情已覺輕團扇客路憑
誰寄袷衣南望灤江秋水濶蒹葭深處幾船歸

秋夜登法源寺高閣

露洗秋林淨碧埃月明高閣陟崔嵬萬家燈火環
初地半夜星辰落戒臺草沒荒園遺老去鳥呼深

樹鬼雄來登臨勝處多增感懷抱何因得好開

戲咏胭脂花

北地稱顏色寒花擅異姿瓣含秋露滑苞圻夕陽
遲塗抹平生拙鉛華舉世知臨風還自笑小草我
應師

哭字兒

尙記牽衣日還聞永訣時念翁猶問信囑母更求
醫嬌愛余通子聰明汝哀師死生知有命恨我不
能慈

其齋詩集卷四

書劉文成公墨刻後

三

有明異人郁離叟一代乾坤出巨手偶然游戲到
毫楮至今見者猶驚走寒冬十月飛蛟龍曲屏短
几生長風滿紙蜿蜒發光怪神物豈與尋常同凌
雲筆勢回天力奕奕向人英氣逼恍見鄱湖揮檄
時萬舳奔騰水波立南田老屋枕荒邛汾陽舊宅
今同愁汾陽舊宅今爲寺卷中所書五絕句之一墨王零落五百載片
石忽令珍珠璆慈雞葉鐵仙中翰摹勒上石舍人贈我自

京國大鶴丈所貽如此至寶豈易得他日攜之歸枯蒼

石函封貯千文壁

送饒大

慶霖

南歸

送君歸采故山薇恨我淹留獨未歸
今夜夢魂定飛去爲君先到栝城西

四川營弔秦良玉

娘子軍屯帝里春請纓當日事酸辛
中原諸將誰男子隴上長城有婦人
石砮卅年留社稷錦袍百戰沒沙塵
至今留得營名在巾幗千秋望若神

壬辰

其齋詩集卷四

五

斜街買得梅花二株因題二絕

舊是孤山綠玉林花街移植凍雲深
市人競愛丰姿好誰識儵然世外心

暗香疎影水邊籬幾載園林感別離
今日南枝窗下見天涯明月慰相思

太鶴洞天石歌爲端木鶴田丈作

太鶴先生真知已生平一石而已矣
先生得石意欣然終日摩抄手不止
石來因太鶴石降自茗溪精光貫星斗
奇采蟠彪犀當日先生注周易十年

覺舍卞山側太乙下視神鬼驚蟾宮一夜墮靈魄
先生曰吁石來前山人愛汝心貞堅錫之洞天號
浴以清冷泉從今日在山人側雪晨花夜同丹鉛
吾聞媼石天可補先生此石乃其伍曷不置諸秦
岱之巔噴雷掣電興雲雨又不立之江漢中流排
突波濤作砥柱獨令委質閑散中豐功偉烈何由
覩石數雖已奇石心終不移攻擊非所畏彫琢無
由施長向精舍伴嘯傲天根月窟通奧突潛德能
參造化關元機獨闢混沌竅吁嗟乎先生有石德
不孤石歸先生真其徒石兮石兮爾其敬事先生
毋他徂混元之阜太鶴之墟先生終將挈爾以去
兮而歸舍於疇昔之易廬洞天清曠樂何如

三月二十三日下斜街觀花社作

泥經細雨軟如莎緩步閒從古社過燕市花宜三
月暮城南春在一街多香隨游騎風初暖擔壓晴
霞日漸和又是長安好時節韶光回首惜蹉跎

海昌貞婦行

貞婦姓徐海寧人蘇小由孝廉

元燿

聘室

黃鵠思故雄一死不再雙貞婦殉死夫一聘誓相
從海昌有賢女少小字蘇郎蘇郎富文藻蜚聲翰
墨場十九賦鳴鹿卓爲桑梓光親戚羣賀女佳耦
殊爲榮蘇郎年二十獻賦蓬萊宮誓將擢甲科歸
咏合歡章人事有錯迕下第心悽惶長安居兩載
淹淹病膏盲悲風萬里起凶問到江鄉阿母聞此
信呼天搥心胸阿兄聞此信氣結淚縱橫親戚聞
此信一一皆徬徨却恐女得知內外戒勿揚阿姑
亦有言吾子今旣亡家徒四立壁安可令女孀賢
女昔雖聘婚姻故未成自可更相攸勿復重猜量
那識言語洩早已達女聰賢女有節概含淚辭高
堂兒幼習母訓大義夙所明婦人貴從一禮文聲
且詳兒身雖未嫁受聘蘇門中蘇郎今已歿堂上
有姑嫜兒不終相守阿姑且尸喪蘇郎死無室又
誰後厥殤兒今卽當去貧窶非所妨母若不相許
誓死不復生寒冬十二月中庭飛嚴霜擲我雙鳳
釵卸我鉛華妝脫我纏袂裙服我縞練裳繫我新
素履別我舊蘭房阿母不能止兄嫂徒悲傷親戚

流涕送此事痛非常入門見阿姑阿姑哭無聲痛
兒又憐婦歎婦何堅貞却去拜夫柩一慟身且僵
慟絕久始甦天地何茫茫觀者咸泣下行路並嗟
稱生人嫁死夫千載爲傷情洋洋海波白鬱鬱吳
山青吁嗟貞婦節海涸山不傾
哭松兒

汝誕予方出汝亡予未還如何不識面便了一生
緣命薄非關藥書來已隔年天乎我何罪四度淚
如泉

查次齋詩集卷四

三

得家信後書感三首

門庭多難後井邑久荒年骨肉拋山鬼

余連喪兩子余兄弟

又各喪一子

蓄畚變石田淚因兒女盡家賴父兄全卧

病長安客那堪此信傳

聞說東南郡連年盡被荒饑寒成疫癘道路半流
亡村廢無鷄犬時艱有虎狼不知諸長吏幾輩是
循良

京國災初降

天家惠澤深採荒蠲賦稅憫死給棺衾薄海皆黔

庶偏隅况大侵無因叩

閩闔一為乞甘霖

金母館授圖為荔波農部題

猗猗巖上竹灼灼堦下萱北堂有賢母肅肅今文

宣一解文宣北堂居冰霜四十載教子復教孫辛勤

容鬢改二解教子歌黃鵠丸熊日涕洟教孫耕寶田

白髮笑含飴三解含飴今何甘丸熊昔何苦甘苦一

身嘗勁節邁千古四解勁節邁千古賢母亦賢師匪

惟母而師祖父身兼之五解驥子已飛黃諸孫亦駿

又其次齋詩集卷四

三

駱東風紗縵開融融讀書樂六解讀書樂何極玉立

方翩翩長願三春暉垂照千百年七解

八月十日來淞庭同年枉過即邀同至汪嘯

盒同年寓齋信宿作

齋居寂且閒秋花伴幽獨兀坐方懷人花外聞剝

啄知是來子來囊囊履聲熟入室乃果然歡語移

朝旭忽復念汪子邀我共相矚把臂入秋林流連

遂信宿夜深不肯眠守候厭僮僕長安雖羈旅求

友得所欲清風日在襟落月照滿屋敬惟二君子

古誼何醇篤，往還無間旬。談笑多忠告，歡會不可忘。作詩叙悃曲。

長歌行示梁耕楠

庚

何小筠

榮縉

男兒生不能作周孝侯，斬蛟射虎擁戈矛。又不能拂衣遠從葛稚川，鍊丹採藥得長年。日坐寒齋理章句，十年老女真可憐。峩峩冠益長，安道做帽蹇。驢獨潦倒滿目青雲盡，少年嗟爾致身胡不早。驚風一夜鳴庭除，落花片片撲衣裾。青天浩蕩白日速，昨日錦繡今泥塗。長松落深澗，千年雪壓凌霄。

龔次齋詩集卷四

三

幹寶劍埋豐城，光芒空使鬼神驚。願與騏驎友，不逐鶩駘走。願隨鴻鵠飛，不共燕雀棲。騏驎伏櫪亦安用，鴻鵠失路將何歸。東流之水不復西，滄溟淼渺烟濤迷。羣魚鱗鱗得變化，光怪咫尺分雲泥。何況美人娟娟隔河漢，宿海混茫星斗璨。欲往遺之青玉案，天長地遠空嗟歎。獨坐無與歡，抱將綠綺臨風彈。一彈驚別鶴，再彈鳴孤鸞。鸞飛鶴去不復返，徘徊四顧心悲酸。心悲酸，何時呼童爲典鷓。鷓鴣裘，換取大雉小翼之羹酒。澆我積埋堆阜之窮。

愁與爾高歌市上樓長風萬里迴清秋

松筠庵謁楊椒山先生祠

遺直祠堂在蕭蕭秋樹林古苔凝碧血皓月照丹

心請劍忠何篤批鱗痛轉深墻陰留諫草讀罷涕

盈襟

閏九月九日作

酌殘萸酒復盈觴客舍花猶晚節香對酒看花愁
轉劇一年兩度過重陽

時敏齋秋曉

其次齋詩集卷四

三

新晴屋角鵲聲乾初日曛曛上曲欄天到將明金
倍冷身因久病帶逾寬居貧未覺長安易入世眞
如蜀道難愧我絳帷無箇事累人猶日費猪肝

醉歌答山中友人

我生本是山澤臞山中樵采廿年餘中道忽然墮
世網隨人上計來燕都燕都夙昔恨未到到此始
知不易居襦衡一刺懷裏破昌黎干謁愁小書丈
夫意氣薄樓護侯鯖雖奚羞曳裾東方待詔食無
粟馮驩彈鋏行無車閉門不出饑欲死出門歧路

悲楊朱西師昨歲討回紇羽林十萬風霆驅隊長
何曾殺一賊幕府上功佩虎符男兒祇須好身手
誦詩說禮真迂儒朱門襍祿有封爵書生白屋空
長吁賈人入貲作郎令貧者無羊又無奴巍巍高
第盡年少儉也乃有鬢鬢鬚日來草就萬言策誓
令宇內蒼生蘇天關九重守虎豹欲上不得心煩
紆太行十月雲影凍雪花墮地如掌麤傲裘不煖
土炕濕風刀割面冰裂膚黃金臺畔弔劇殺荆卿
市上尋屠沽千金駿骨有誰市悲歌擊筑酒家鱸
三年已似東山卒八載豈有洪河疏高堂萬里悲
白髮封侯有夢慙妻孥路遠翅短復何待兩鬢已
秃嗟頭顱故人寄我當歸草謂我久客非良圖明
年決計南歸去買牛隴上手犁鋤

義僕溫貴詩

貴山右人陳香谷孝廉之僕嘗代其主繫
獄慘毒備嘗無怨言又嘗於萬里外尋父
以歸人呼爲溫孝子道光某年月日從其
主涉冰渡河冰陷歿於水陳君哀焉作義

僕傳徵詩

客談溫貴事使我涕淪漣代主三年獄尋翁萬里
天斯人偏作僕舉世孰能賢賴有蔚宗在能將李
善傳

皎日誠誰鑒春水恨最深死生知有命天地是何
心大義愚夫立微軀惡浪沈空言爲善報掩卷發
悲吟

冬日河內坐冰床戲作

一床穩向鏡中過人不舟航水不波今日乘槎張

又其次齋詩集卷四

三

博望壯遊真箇到銀河

又其次齋詩集卷四終

男 有森
全校字
受業張星

又其次齋詩集卷五

遂昌吳世涵淵若

癸巳

燕九節遊白雲觀作

白雲觀外多白雲上隍下隍何氤氳我向白雲深
處去燕九之節尋眞君眞君昔居東海濱元皇下
詔迎蒲輪雲無心兮偶出岫雪山萬里朝紫宸玉
策金印天仙倫蘸壇五鶴翔且馴燒金煉丹皆細
事片言救得河沙民殺機已止功願畢乘雲還作
山中人故山未至至薊門眞人隨處全吾眞北崖
崩墮太液竭白雲縹緲猶城闌風日麗兮邁良辰
神之降兮飄祥霧如遇兮丐與紳願徃從之遊
千春雲乎雲乎來續紛

時敏齋春日卽事

燕山二月尙無花庭樹迎風漸欲芽凍硯初開宜
試筆暖鑪未撤爲煎茶公車門外春雷動散帙窗
前夜月斜禿盡毛錐閒不得年年獻賦在京華

遺僕

數載都門負囊隨一朝投策忽長辭年來冷暖無窮事祇看奴僮已可知

過蘆溝橋

驛柳絲絲糾客愁蒼茫曉色渡蘆溝雲邊望日天門近轅下驚雷石道修題柱已慙豪士筆著鞭猶戀

帝城遊彘乾東下人西去駐馬淒然俯碧流

彭城

彭城繚繞枕黃河郭外遙峯鎖鬱峩芒碭山川雲

蘇次齋詩集卷五

二

物異淮徐子弟將才多風沙黯黯埋殘壘雲水滔滔捲浩波太息楚西形勝地項劉遺跡半消磨

漂母祠下作

一飯千秋事最奇老嫗擘絮作恩施人家蓐食知多少誰恤王孫困餓時
進食初無責望心千金報德有淮陰怪他折券王家媪不見高皇一賜金

阿母壺飧餉賤貧娥媼鍾室剪元臣可憐一代無雙士生死惟憑兩婦人

舟至京口

日晚臨江渚，停橈萬柳間。
懷人京口笛，對酒秣陵山。
官渡紅旌亂，沙汀白鷺閑。
思歸心轉劇，此去近鄉關。

龍卬道中作

南行至龍卬，驚心何凋瘵。
山谷起悲風，滿目蕭條意。
盡日經空村，雞犬斷鳴吠。
道逢故里人，乞食爲隕涕。
傾囊與以錢，未謝先喘氣。
孰知行數里，竟向道旁斃。
薄暮至渡頭，村名孤店聊投憇。
一飯不能得。

龔次齊詩集卷五

三

安有濁醪醉主人，前致辭凶荒。
已三歲，斗米值數金，無力供粗糲。
幸有薯蕷存，熟之猶可饋。
我行歷南北，所見多可慨。
誰知至鄰邑，居人益羸憊。
龍卬既有然，平昌豈復異。
感此惻心脾，夜深不能寐。

四弟藹人

世成

入泮誌喜

儒冠有弟入膠鬲，慰得高堂此日情。
玉樹當庭看後起，雲鴻振翅聽先聲。
慙予空獻金門策，願汝終成國士名。
今夜平昌山上望，少微星照鳳梁明。
處州

少微分野又遂昌，學宮棟梁有鳳凰。
紋各鳳凰梁。

禱雨

皇天久不雨炎威何隆隆旱魃肆其虐屏翳失所
從高田早已裂寸寸折龜同低田近亦竭苗枯若
斷蓬居民日涕泣求雨走西東焚香告里社鳴鉦
咒山龍祈禱已云徧甘霖仍未逢昨夜雲四黑細
雨飛濛濛滴水救烈焰何以奏厥功旱魃不足責
吾欲問社公聰明莅茲土坐歆俎豆豐如何有災
沴昭告若贖輦小民不敢怨牲醴益虔茶吁嗟正
直神得毋愧厥衷早禾既槁死庶幾望晚種速爲

驅厲鬼沛澤蘇疲農

平糶

往年秋既穫米賤農不傷今年秋既穫米價益以
昂農田既無得穀貴殊非常鄉民請平糶百十登
公堂縣官從其請方謂此法良詎知四鄰邑今歲
盡凶荒處處米騰貴平價策非長富民既不樂閉
糶匿餼糧用威強出之又以利奸商糶賤入私囊
販貴向他方不及數月間家家空倉箱噫嘻糶盡
後飢黎復何望獨荒糶可平衆荒不同量寄語賢

牧令平糶且勿忙
遇災雖無異所報有不同
大郡常報歉小郡常報
豐大郡歉不報薦紳不肯從
小郡若報歉官長不
相容連年天降災旱曠徧浙東
今歲旱尤甚烈日
焦種昨聞鄰邑人報災縣庭中
道遭官長罵謂
汝何欺蒙此郡數十年不曾報災
凶今年雖小旱
未必害耕農高田或稍歉低田
仍芄芄白可相哀
益豈遂原野空汝輩還鄉里
可告諸老翁救荒吾
有術報災甚無庸明旦官下鄉
騶從何雍雍非爲
勘災至催科驚耆童

公米

及其齋詩集卷五

五

昔人制井邑安民有深意
比閭使保調族黨相拯
濟末世尙欺誕古風日以敝
善哉公米糶猶能敦
古誼鄰里遭凶年市米日踴
貴村村自爲保減價
以相昇計口日給之升合速
孩穉倉箱苟不足速
糶以爲繼富者旣以安貧者
得所賴救荒有常平
良法安敢議開倉必上請官
吏多顧忌社倉聽之

民收放似無害良莠不能齊亦復滋流弊唯此自
賜恤厚意可徧逮所慮窮僻鄉居人盡貧匱不然
通有無安得餓莩輩此事良可風守之庶勿墜

開荒

閉糶乃惡富開荒亦奸民奸民何爲者一二無賴
人平時旣橫恣睚眦在鄉鄰一旦遇歲歉乘勢煽
諸貧號召百十輩徒侶來僦僦武斷市上價搜索
人家困旣以洩其忿兼可肥厥身衆人米未糶奸
人已干縲衆人腹未飽奸民酒肴陳事勢偶相激
搶奪遂紛綸救荒在安衆貧富情皆均閉糶貧民
懼禁閉令宜申開荒富民恐止開非無因此輩弗
懲創釀禍豈爲仁翹首望當路去害庶如神

餓莩

大旱已二年餓莩嗟滿目孰知身爲農歲餘未食
穀初猶饜糠粃哺啖雀鼠肉繼乃嚼草根野蕨雜
苜蓿草根近亦稀煮石以爲粥此石生深崖非乳
亦非礪掘之擣成粉暫飽一時腹飽亦不可常石
性堅有毒自從九月來淫雨氣黓黓大雪重繼之

皓皓彌山谷數月不復止晝灑夜相續食盡又無
薪老幼泣破屋不見一家炊但聞千家哭哀哉饑
復凍十夫九溝瀆災黎死且盡天乎意何酷

鬻子

一年遇災肯農家鬻牛豕兩年遇災肯農家鬻耒
耜三年遇災肯老農涕不止室中更無物剩有妻
與子饑寒日以迫骨肉不相恃嬌女早已鬻去作
他人婢一妻昨亦嫁出門哭穿市獨有子十齡無
人收穉齒攜之至邑城求易數斗米斗米亦不論

其次齋詩集卷五

七

且得免其死悲哉老農身悽慘情何已我聞數歲
來饑饉徧鄉里死者委溝壑存者盡分徙村舍半
已空非渠獨如此安得萬倉箱家家給秬秠一夫
不流離安居事耘耔

大奔流丐書豈寒鬻牛豕兩年遇災肯農家鬻耒耜
居民已嗷嗷流丐復四集百十成其羣布滿鄉與
邑借問從何來滌鳳與宣歙連年遭水旱少壯俱
失業逃荒遂至此冀得賑窮乏其中有良家逢人
掩面泣自云不願來無奈衆迫脅流離誠可憫男

女何冗雜尤多黠猾徒獷悍不知法藉茲逃荒眾
遂以逞姦俠荒野及窮村往往肆行劫吾邑久被
災民食百不給那堪此輩至取求日紛沓寄語長
民者屢心善撫輯速爲遣之去留我烝民粒

哭大姊寄對不巷萼阜

姊歸嗟處劇悲酸哭到同懷淚欲乾一室繫纓承

志早余同懷七人姊
最長亦最孝廿年井臼養生難姊治家過
於勤儉

菴山弟妹悲茅苜姊歿於
產難白髮爺娘喚木蘭况是

安仁思舊侶朝朝對鏡泣孤鸞

夤次齋詩集卷五

八

余生端賴女夔賢諸弟行中愛獨偏每憶癡頑當
梅齒幾勞調護到齊肩燃鬢已乏煎糜日斂手空

悲尙左年恨我歸來遲半月相看無及已黃泉余

癸巳五月二十九日抵
家時姊已先半月逝矣同對感俗算一堂

乞巧辭寄懷石芬萼阜

憶昔深閨裏結得同心侶相將雙七期瓜果祭牛
女年年乞巧畫欄邊穿得金針坐並肩不識人間
歡會少却將離別笑雙仙自從女伴各西東玉露
金風幾度中今日始知牛女巧一年一度得相逢

中秋園中對月卽事

作客悲秋已十年今年月向故鄉圓樽中桂釀新
開甕雨後蟾光正滿天萬里初歸依骨肉三更相
對話林泉須知此樂匪容易莫惜金杯次第傳

甲午

山中喜家核華同年在過

幽居寥落在山村乾鵲朝來噪滿園文旆乍聞臨

講院

時邑侯朱勿軒延君主講妙高書院

足音何意到衙門貧家供

具稀肴藪老父迎賓挈子孫千里能來真不易劇

奎次齋詩集卷五

九

談况有酒盈樽

春日過小平園有感用壁間王桃溪邑侯原

韻賦詩四章贈葉厚田

光緒

丙兒

戰藝當年記菊天翩翩袖拂竹林烟

余年十四以縣試至邑寓

中舉頭高閣低千嶂濯足清池隘九淵豈有才名

驚鵲起恰緣世好得鴛連小平猿鳥多相識子立

頻來謁老泉

負郭林巒別有天幾番歡讌動雲烟寓公意氣酣

搖嶽

謂周石柘師與王文

仙吏襟懷秉塞淵

謂桃溪明

府吟傍畫欄千樹繞觥浮曲沼百壺連而今重讀
紗籠句餘韻猶鏗石上泉

十年回首悵雲天往事思量似烟松柏凌風偏

折幹謂芳亭外舅蛟龍得水已移淵謂桃溪明府醉餘叩策

悲安石夢裏吟詩痛惠連亡弟舜川會課讀且喜文饒

遺澤在永教花石護平泉

晴遊又值艷陽天二月花光罨嫩烟亭外鶯窠新

補樹竹邊魚穴暗通淵高樓添築懷堪放好友頻

來袂共連愧我蓬飄塵滿面未容留戀在山泉

香齋詩集卷五

十

包北垞姑丈邀同蔚邨家叔玉衡季錮二弟

遊含輝洞天率成五首

探勝不辭勞賈勇着世屨沿溪知幾轉倏與白雲

遇山鳥竹間窺石亭天半露行行且少憇涼風起

孤樹不憂莫詰獻惠或且喜文

登陟豈不難秋深背猶汗蛇行入下巖四體忽舒

散仙人亦多事石枰琢巖畔一着不須爭我遊方

汗漫

出洞復入洞石室窈以深陰氣何森慄寒泉沁人

心線天日光漏乳竇雨珠淋覽茲已奇絕况復凌
高岑

梵宇跨層雲奇景萬山集天然出造化人力不須
給主人知我饒齋厨供米汁醉餘松下卧晚鐘一
何急

言歸興未盡復作望蜀想

躡途迂道過卉隱寺以日暮不果遊

夕陽

不相待幽情墮莽蒼奇景搜枌榆勝遊隨筇杖山
僧倘見招明發猶能往

外舅葉芳亭先生遺照

龔次齋詩集卷五

十一

躡屐平園花又穠春風庭院苦無悰西州已下羊
曇淚况覲東山舊日容

光風霽月見平生巽鑠精神磊落情豈獨不才感
知已至今行路念原平

妙高書院訪核華夜宿院中

故人千里來幽栖寄絕巘嗟予復遠行臨歧思一
眴晨登妙高峯披雲事攀踐初疑路不通重巖連
復斷那知數轉間講堂已在眼蒼厓抱石門古木
疎高館谷口寂無人客至吠山犬曲徑入幽齋故

人朝初盥林下蒼乍糞案頭書不卷童冠八九子
歌咏聲四散吾弟亦在茲請業弄斑管四弟世成在院肄業
解衣縱談笑積悃終日展予懷惜忽忽君意殊欸
欸傍晚復苦留明月松間飯猿鳥夜更寂泉石興
非淺明旦別君去惆悵關山遠

途中咏雁

沙頭鷗鷺靜相依林雀朝遊暮共歸唯有勞勞雲
外雁秋南春北不停飛

清明日靈山遇雪

穀嶺同雲暗靈山野樹昏清明行遠道小雪下孤
村溪水初崩岸人家半掩門誰知干役者冒冷向
荒原

杭州太平橋別朱子駿子彥昆仲

征帆北去客魂消回首家鄉千里遙猶有故人同
惜別一樽相送太平橋

舟中雜咏

武林城外路鼓棹復如何出郭峯巒少連村港汊
多客程兼月夜鄉夢繞烟波蒼嶺空回首重雲障

鬱峩

吳興三月暮草長落花飛水鳥依叢噪河豚上市
肥蠶時村落靜漕罷舳艫稀隔浦歌頻起誰家采
葉歸

載酒江南去鶯聲送畫橈吟詩過笠澤看月泊楓
橋湖濶疑無岸江渾覺有潮獨憐驚客夢梅雨更
瀟瀟

季子躬耕處荒蒨草又生山連城市碧水繞郭門
清花鳥吳人社帆檣楚客程延陵祠下拜仰止不

勝情

挂席三山下江流靜不波長空盤鶴鶴清曉伏竈
罌京口鱖魚美瓜洲酒戶多晚來帆落處贏得醉
顏酡

路出維揚北人家屋漸低風沙霾澤國蘆葦起河
隄野艇城頭過窮黎水面栖平原知己近到處有
輪蹄

車上

車上拋殘夢醒來望眼迷路隨春柳遠天向大荒

低風露欺狐腋關山怯馬蹄何如茅屋下穩卧聽
晨雞

讀書二首示同學

讀書念前輩出言貴淳實徃徃樸拙意寓諸縱橫
筆邇來尙新雋矩矱乃漸失意態日以浮飛絮渺
無質文章雖小技厚薄根心術古人忽已遠還淳
復何日

操觚學爲文枕藉必經史功深收名遠吾聞諸韓
子豈無枵腹者懵然拾青紫豈無數奇者績學不
足恃所遇有屈伸斯道無泰否風雨如晦時雞鳴
曾不已

時敏齋夜坐有感

二十年來事三千里外程風霜催短鬢身世付孤
檠論學慚先哲能文畏後生依人常碌碌恐此遂
無成

乙未

春日喜公車諸友人至京

喜遇南宮集俊才浙中耆舊盡能來卽看名刺人

人識早覺燈花夜夜開握手共驚今日鬢關心頻
問故園梅棘闌得失渾閒事且向天涯一舉杯

敬酬太鶴先生見贈原韻

寄園花木足盤桓

時先生寓居京都寄園

萬事浮雲冷眼看

作賦荀卿推老宿草元揚子託微官登門空倒先

生屣觀象尤慙處士冠

處州以處士星得名先生贈詩有一星能應少微難

句聆到廣成鐘呂響正聲真覺和來難

贈詩云正聲只要諧

鐸牛

感興八首

真次齋詩集卷五

五

桃李空灼灼梨栗徒離離娛目既無取悅口亦奚
爲山中有嘉植抱質殊珍奇無花而有實青紫若
雲垂厥功在絲枲衣被萬蒸黎以非耳目翫棄置
荒山陲長條自鬱鬱時俗何由知

五陵盛豪俠裘馬善交遊握手指天日意氣傾羣
流人心若百草變易隨春秋春日非不茂秋至行
復休同林不同志蘭艾成釁讎安得北山松青青
慰我愁

小草不知名莖葉何細碎蒼頭偶攜來種之軒楹

內長養初無心有時聊灌溉時至遂吐華香色殊
可愛花落重結實纍纍若珠瑄種此亦偶爾華實
並不廢乃知物雖細生理固自在雨露不虛受培
植安有悔人生顧寂寂俯仰愧覆載勿謂小草微
厥實猶可佩

種苗不種莠苗生莠已盈種蘭不種艾蘭枯艾轉
榮嘉種不易植植亦未必成醜類不易除除之旋
復生來楚甫甲坼霜霰浩縱橫君看一日雨處處
長榛荆

真齋詩集卷五

六

市中有驂駟實乃龍之友一日可千里一食必數
斗麒麟地上行誤落凡囿手飼以糠與粟粟豆不
上口飢羸不能前反在駑駘後駑駘肥以驕驂駟
但俯首引頸長哀鳴恨與凡馬偶驂駟爾勿恨良
材古亦有不遇九方臯老死轅下走

鷗鷺野心性翱翔在天機羽毛雪霜白不受微塵
緇玉立質羸瘦小魚聊充飢呼羣沙渚上昕夕相
隨飛翡翠以文甃鸚鵡以言羈燕雀危在近雁鷺
死於肥唯有白鷗鳥諸患俱不貽人世無所利矰

織不復施江湖信浩蕩安得同汝栖
丹橘結素榮嘉樹冠南國攜之踰長淮層枝化枳
棘蝓蠖喜轉丸糞壤藏穢質一旦蛻作蟬高潔乃
無匹清濁無定態善惡有變更今日非昨日此形
卽彼形春鷹化爲鳩秋鳩復爲鷹不知百年內久
久終何成

匣中一寶劍寒光凜霜雪荆鐘不聞聲切玉了無
缺此劍初鑄時涸盡茨山鐵良工陶元化成此至
神物藏之石室間風雨每飛出變化若游龍可伸
亦可屈俠客不能求風胡空咋舌平生懷孤憤國
讐尙未滅誓將攜此去釁以島夷血劍乎用有時
勿爲私人發

大挑得學博作

半生况味習儒酸換得頭銜亦帶寒有腹未充慚
博士無才可試稱去聲閒官講帷不廢縹緗業食料
應添苜蓿盤雁蕩天台隨位置宦遊此去盡林巒

寒燈夜課圖爲項几山孝廉傅霖作

項子訪余薊門北手攜此圖淚沾臆展圖四壁動

寒聲滿堂黯慘愁雲色黃鵠早寡紫凰孤眼前啾
啾遺兩雛冬日寒兮兒乏襦冬夜長兮兒廢書兒
乏襦兮母所慮兒廢書兮母何如北堂宵靜簾帷
肅明燈熒熒燕深屋書聲未起機聲促書聲欲斷
機聲續霜重渾忘織手寒漏深未輟短檠讀要使
兒功遂簡編肯辭母教休機軸吁嗟乎兒幼無父
賴母慈兒長無師母督之無父無師有母在兒今
無母將何依機聲軋軋猶在耳書聲朗朗仍在帷
寸草莫挽三春暉兩賢兒兮能勿悲

真次齋詩集卷五

九

賀汪嘯盒太史

元方留館

文章東壁應星躔瘦骨珊珊尙妙年天上最清唯
玉署人間不謫是真仙李程詩賦詞林冠

君散館
名居第

一元種才名

禁裏傳好古如君尤可羨石渠金匱盡瑤編

西僧坐牀歌

天竺印度降釋迦東連衛藏佛子多紅黃二教生
派別黃教之盛尤靡加達賴班禪兩大弟初祖並
屬宗喀巴別立宗乘異服色黃冠黃履黃袈裟六

十餘城唐古忒

唐古忒卽蒙古唐時爲吐蕃部落

統轄胥歸大普

陀

西僧所居寺名

不生不滅滅復生呼必勒罕延

多羅

呼必勒罕華言轉世化生人也

宗黨姻婭遞傳襲年深代遠

滋僞訛

聖皇披圖鑒積弊特施神力息紛譁異僧出世自有眞佛前簽掣庶無差從茲喇嘛或示寂番兒羣集笑啞啞鈴杵搖鼓與佛尊眞假並設任摩抄一能認不錯謬斯爲靈異可崇嘉金奔巴瓶貯名姓製得活佛咸矜誇教有主持衆心悅名藍供養

其齋詩集卷五

九

堆香花擇日坐牀演眞訣男女嗔咽翻雷車福壽

廟前競匍匐

須彌福壽亦西僧所居寺名

焚頂燒指誦摩訶抽

釵脫釧獻金壁布施有願甘傾家誰謂黃口尙乳

氣坐令萬里來奔波伊昔有元崇佛法皈依西僧

入思麻

八思麻元時西僧名

大元帝師西方佛曲庇諂敬多

所阿

皇朝柔遠有深意非爲邀福禮僧伽振興黃教安

蒙古因地立制無偏頗

威德所被一中外政不易俗民乃和徼外化人効

職貢數珠藏香駿馬馱

恩禮旣優益嚮化豈與佞佛同其科下士觀歎作此咏他年應補職方歌

送同年錢榆臯大令世瑞之官河南

銅符皂蓋領專城爲政風流在此行德易及民唯令長治能合道必儒生山川嵩洛中州土人物商周古帝京聞說近來凋瘵甚待君三異布循聲

秋夜校潘仲方文鏡黃鞠生輝二同年遺集

因題其後

其齋詩集卷五

三

寒齋夜永人無聲蝙蝠掠戶莎雞鳴挑燈手校亡友集滿庭落葉悲風生憶昔春日把臂我與兩君齊結契相看未道齒髮衰相期不盡風雲意誰料應劉逝一時空餘詩卷留天地潘子磊落人其詩清且華古義陳悱惻新詞吐滂葩當其得意光怪發碧天五色蒸雲霞黃子頗孤僻詩亦學古澹沁齒寒生冰雪文愜心妙叶風騷範二子歌辭自軼羣可憐無益費精神當時一字珍珠璧今日千篇委土塵我怪潘子貌豐碩性情和緩詞恬適一

一皆爲壽者徵中途摧折誰能測黃子平居好養生詩章每賦黃庭經如何亦復委朝露內丹不固神與形忽忽一夢餘縞紵綢繆猶憶平生語萬里幽魂不可招獨把遺編涕如雨

周鐵厓藕湖泛月圖

波淨秋蕖紅烟深涼月白平湖三萬頃泛此神仙宅天外見洞庭眼中小震澤笑傲凌長虹壯矣乘風客平生半江湖東南屢掛席松陵昔雖經勝遊仍未獲邇來滯京華軟塵滿雙屐瞥眼見此圖千里在咫尺漠漠聞幽香渺渺濯素魄思欲掉扁舟滌我胸懷積道遠不可期悵望楚天夕

真次齋詩集卷五

五

送張淵甫

生洲

學博南歸

淵甫先生留不住抱經竟向三茅去自言此去不復來窮巖但覓藏書處君時任句容學博先生自是今淵雲說經經無其倫名山著述計亦得可惜長安少此人

時敏齋雜詩示何小筠昆季

雙藤久已化留得一榆樹樹蔭雖無多諸老題詩

處時敏齋卽雙藤書屋乾隆間何蘭士先生伯仲與吳穀人王鐵夫法時帆諸先生聯吟讌集之地

藏書一萬卷未是崔儉室書在架上虛書在腹中寶

老屋在林間有鳥亦爰止自從林下居五見鳥生子

怕踏街上塵目眯面爲黑呼童且掩關坐看西山色

十年燕市裏來徃跨驢行却被賣驢者人人識姓

夔次齋詩集卷五

三

名

歲歲住京華故山思不見藏有孟君圖一日數開

卷松陽孟居仁秀才善丹青多畫栝蒼山水

長安三日雪履不出門前住得嬾眠巷朝朝任嬾

眠時敏齋在嬾眠衲衲內

故人不可見緜閱故人書寄書已十載故人今何

如

愁極出門去書堂晝掩扉出門何所事依舊買書

歸

贈凌厚堂堃孝廉

德輿才望動蒿萊

君著書雅
德輿子

亘古橫今百氏該

上客多終窺土眼中人少間

去聲

生才西河論學輕

閩洛梁國傳經勝曲臺他日醇修應更邃心源洙
泗好沿洄

丙申

述懷三首

古人骨已朽今人忽復老悲風吹白楊蕭蕭北邙
道昨日攜手人今日委豐草人生一蜉蝣旦暮誰

真次齋詩集卷五

三

能保秉燭中夜遊慷慨歌浩浩修短亦何哀砥行
苦不早遐哉聖賢名萬古懸穹昊奈何慕世榮令
我顏鬢稿

少年不解事意氣橫九州仗劍出門去輕爲萬里
遊揚帆涉南海波濤撼我舟北上太行山羊腸艱
且修天路不可卽白日忽西流中途發長歎浩然
懷舊邛山中有茅屋茹芝可白頭褰裳從此逝已
矣何所求

我生古人後得讀古人書有書日相對卽與古人

居自我慕今人古人日以疎狂謀與謬算蹉跎廿
載餘古人旣乖隔今人亦齟齬中夜撫枕歎曷不
返其初今人雖可羨豈得古人如古人榮其德今
人榮其軀於德苟克榮榮軀自有餘黽勉師古人
勿爲今人愚

衛河舟中

柳色綠復綠河流灣更灣紆迴于轉後依舊一程
間孤棹有時泊故山何日還祇應尊裏酒暫爲解
愁顏

其次齋詩集卷五

謁顏子廟廟在阿城荆門驛

荒驛草蕭蕭重門掩寂寥遺祠仍僻陋吾道本簞
瓢闕里青雲近魚山華胄遙粹然徵體聖乾德仰
光昭

登濟寧太白酒樓

萬古乾坤內寥寥數酒人何年謫仙子醉卧此城
闈一自騎鯨去高樓空復春無人酌大斗搔首問
蒼旻

韓庄湖八鶴歌

楚天浩渺羣峯青下映湖水開雲屏沙田萬頃連
湖碧細魚鱗鱗寒花馨翩翩何來八仙驥翱翔應
自蓬萊至仙人無事騏驎閑放向人間恣游戲一
鶴啄一鶴拳一鶴插翅洲中眠三鶴各緩步尋魚
相後先其中一鶴丹砂頂飄然奮翼凌紫烟復有
一鶴起沙田盤空似欲超其前鶴意一何閒鶴遊
一何樂呼侶頻來柳外湖結巢還向松間壑君不
見南山有鳥北山羅人世機械何其多稻梁爲餌
矰繳伺臯鸞不分將如何羣鶴兮飛來水有菰兮
岸有苔爾性殊凡匹爾質超塵埃自今以往可出
沒於徐泗諸山之崔嵬或翺遊於青冥之上雲水
之隈慎勿慕乘軒之貴兮貪腥膻之味致爲世俗
之所縻兮使爾不得適其天而奮其翅吁嗟冥鴻
孤逝兮鳳舉誰儔安得六翮兮羣鶴與遊

舟至宿遷阻風

昨遇順風船似箭今晨風逆阻行船可知順逆何
嘗定祇合優游信所遭秋後蓼葵爭爛熳波間雁
鷺共翱翔鍾吾驛上瀟瀟雨且駐征橈醉濁醪

舟至維揚欲遊邗溝問道於書賈陳吉人陳
欣然導往遂與朱雨生陳惺齋二孝廉遊
覽竟日至暮返舟作詩紀其事吉人揚州
人嘗讀書應童子試

雷塘佳麗地遊情殷在昔一遇賢主人翕然愜所
適買棹向虹橋淶波蕩崖壁竹嶼見垂竿玉樓聞
吹笛秋老遊人稀畫鷁尙如織晚桂何處開幽香
在衣烏烟籠飛閣丹雲護石欄白青青萬楊柳猶
作六朝碧花看故苑多草傍蕪城積泊舟上平山
緬想歐公跡遺愛在維揚高風獨裙屐江山有廢
興餘韻無終極佳日快登臨賴我同懷客陳子亦
可人固有書生癖回臚晚歸來風雨蓬窗夕賦詩
聊相遺留作他年憶

暮秋至家作

客裏常如夢還家始覺真歡言依骨肉古誼在鄉
鄰道路愁全釋山林景轉新祿微猶未得祇是媿
吾親

門巷通樵徑衣冠守古風名心歸里靜鄉夢到家

空花采寒籬下書攤老屋中田園吾分耳詎敢托
冥鴻

道光乙未邑中重修遂昌縣志予時留滯都
門未歸也操筆者列予名參校中及予歸
則書已刊布去之不得矣賦此誌慨

不校蘭臺校此書燃藜老子合嗤余是非無異看
秦鹿黠畫何曾到魯魚陳壽自求千斛米馬卿方
就一封車憑人碌碌題名姓萬里歸遲悵有餘

歲暮懷人詩

奎次齋詩集卷五

三

奧語聾牙石炭篇髯翁才大腹便便仙都山下桃
花落不見當年老鄭虔程子質先生文滄

申公無恙尙傳經卅載門墻舊典型當日繆生年
最少至今華髮亦星星戴蓮峯師緜

經生說易最多門箇箇三爻一口吞獨有青田端
木子確從十翼証淵源端木舍人國瑚

萼臯瘦筆妙通神秦子詩篇句句新苦憶當年萬
松院一燈常對素心人家萼臯蕙秦石芬玉兩上

來子才華萬選錢白頭猶坐孝廉船與予同躡南

宮試一度相逢一悵然來涪庭同年嗣尹

句容一曲是各區陶葛兩賢有舊廬羨煞談經張

博士而今眞作列仙儒張淵甫學博士洲

核老雄文力攻堅駿公書記更翩翩武林城裏多

英俊高誼吾尤敬二賢家核華鄂棠朱子駿瑞崧二同年

文章碑碣漢中郎鳳翥鸞翔下玉堂誰似桐鄉金

太史能銘能賦亦能狂金灑仙太史安灑

朱二孜孜事纂修更聞有子似何休他年

國史論經術大夏侯傳小夏侯朱次雲同年以种

朱次齊詩集卷五

三

芝草鳳凰人識瑞青天白日隸知明請將韓子書

中語移作汪君月旦評汪嘯齋太史元方

丁酉

辛夷花下作

樓前一辛夷天半聳孤直拔奇巖壑間眾木參不
得瘦根盤石青巨柯拂雲白春風山外來窮岫忽
改色森然萬玉毫揮灑天宇碧地偏眞賞稀開落
戶庭寂敬惟瓊樹枝本是先人植邇來近百年幾
費栽培力異質光堦除厚蔭及几席再拜題此詩

後來慎護惜

巢鷓

遊客遠歸來息機卧林屋幽鳥不避人結巢窗下
竹斫夕哺其兒呀呀伴幽獨春風曾幾時羣雛已
能啄引上庭樹枝翩翩戲相逐持此感人心物情
貴自足鷓鷠翔九霄何如斥鷃樂

種菜

余生在田野所好唯種蔬浪跡二十載久與田園
疏今春開故墅蕪穢自剗除豆棚與瓜架一一縱
橫舒下種培沃土灌畦引清渠雨露一霑渥生意
皆有餘瓜實漸成熟豆花亦紛如學圃小人事謀
食要非迂狂走干非分不如手荷鋤筋力雖已僮
捫心愧則無願言抱甕者終身與爲徒

登月山作

窮居無所適每登門前山山色清以曠展眺開心
顏衆峯青相向雙溪與迴環平田綠千頃村舍繞
其間花外通畧約烟中連闌闌鳥飛白雲裏人行
翠微灣雞犬自鳴吠風日殊清閒山居雖寥落巖

岫足躋攀田蠶稍能給于世亦無患塵途方擾擾
吾其老柴關

久雨

春日常苦雨夏日常苦旱誰知今夏殊三伏雨不
斷炎日薄易陰濕雲厚難散田家競荷簷冒雨走
町疇雖喜膏澤多亦恐田水滿水乾愁禾枯水滿
愁禾短決塍導之去毋令淹其桿天涼土不蒸穀
實結常罕小民夏怨咨非獨在炎曠望日祝天公
開霽幸勿緩

真次齋詩集卷五

三

桃杏同春圖爲徐鐵孫明府榮題

明府納姬都門合歡之夕適
聞春闈捷音桃其姬人名也

錦綃輕拂海東紅瓊苑仙源一路中催得名花同
日放多情祇合謝東風

小閣初迎灼灼妍瓊枝旋折大羅天桃花解語應
相笑不是渠來未得仙

傾城相對儘風流祇恐文君賦白頭好是泥金新
帖子半緣報喜半銷愁

春風十里送香車潘令河陽未許誇杏纈桃珠都

在手與郎同種滿城花

輯平昌詩鈔補續既成錄呈徐鐵孫明府

遂邑巖壑清詩人多秀出地僻少流傳往往就湮

沒昔時陳廣文高拄萬山笏

廣文名世修海寧人雍正間官遂昌教諭

輯宋元明以來遂邑者舊詩爲平昌

詩鈔末以已所作挂笏萬山集附焉

網羅諸散佚宋元逮

國初裒然萃成帙篇什藉不泯厥功猶可悉邇來

一百年無人相紹述小子誠愚陋文獻未敢忽經

籍盡采購詩篇亦羅列或拾自陳編或錄諸遺札

真次齋詩集卷五

三

或得之故家或全亦或缺辛勤十數載頗已寡所

失年來苦奔馳藏之未一發藹藹徐明府皂盒莅

吾栝聞此獨欣然相勸付剗劂因之稍編次琴堂

備披閱詩歌雖小技民風于焉別古者太史官翰

軒采勿絕明府固循吏治民以儒術索此意殊深

非第惜殘闕小子亦何知裨益之毫髮區區守隆

志藉手告先哲謬誤知尙多公餘乞檢察

望東樓峯

仙鬟縹緲碧峯尖絕好樓居結構巖明月長懸古

銅鑿薄雲即是水晶魚壇前元鹿啣丹草洞口白
鷗巢石柎借問餐霞樓上客可能容我一庵添

閒居戲述

山中一迂生偃仰在茅舍豚栅擁戶前雞栖寄床
下長蒿蔽三徑破壁通千罅藿羹聊充飢短衣纔
掩勝妻愁鬢故釵女啼索羅屐課兒書無紙留客
食無炙藏酒不終朝得錢不留夜束手嬾持籌覿
顏恥告借人謂迂生迂迂生笑相謝不聞衛霍家
籍沒空悲咤不聞季倫輩多財害乃大徹廬雖不
廣風雨足撐架衣食雖不豐薄田亦可稼素餐已
自愧厚利安用射一飯壓糟糠高歌樂吾暇入室
對古人出門訪雲榭花鳥不論錢風月美無價百
城足以豪五窮未須怕時俗多異趨閉門吾其卧

秋蟲

絲竹吾不愛愛聽秋蟲聲秋蟲雖微物所稟乃至
清吞吐風露氣呼吸日月精天空萬籟靜曠然始
一鳴畸人寒谷卧俗耳洗琵琶聆茲物外響動我
遺世情安得伴郊島寫調坐寒更

遊孤嶼同太鶴丈

萬頃寒濤上飄然策短筇嵐光浮九斗江勢阨雙
峯流水英雄淚文丞相 名山逸老蹤謝客孟山人 仙翁歸
未得何處暮天鐘

饒若汀孝廉慶霖 邀同端木太鶴舍人葉辰

生孝廉維藩 昆季遊松陽雲巖

筇鳳鞭鸞逐散仙逍遙同到萬峯巔洞中花鳥天
門鎖雲裏房櫳石室連叢桂恰逢佳客賦靈壇容
得醉人眠問誰爲補名山缺重構危亭老樹邊

度毛竹嶺

文真次齋詩集卷五

三

越巘已千重突兀復茲嶺亂壑塞嶽峯一線綠雲
永行人披叢篁窺天如在井初陟途尙夷步健猶
可逞數折勢益陡千丈碧厓挺奇峯出斷壁怪石
壓人頂危步足半虛側行氣益哽懸巖不得憇餘
力借榛梗下窺怯回首仰攀愁引領孤身絕倚傍
蒼茫踏雲影面頰汗珠流誰信霜天冷午陟晚始
度淒然入暮景山靈知何意構此奇險境萬古阻
重深捷足不容騁山中且如此投策能毋省

又其次齋詩集卷五終

又其次齋詩集卷五

男 有森

受業張星

全校字

三



又其次

受業張星

全校字

三

